

Կոնդակ Արմաւրի Հայոց գործակալ Տ. Գարրիէլ քահանայ Թուրքիայի անուանով, որով, թեմակալ Առաջնորդի միջնորդութեան համաձայն, աւագ քահանայութեան պատիւ շնորհուեց: 26 հոկտեմբերի, թ. 1867:

Կոնդակ Աքքերման քաղաքի Երեմիա քահանայ Ապրիլեանի անուանով, որով, համաձայն Նոր-Նախիջևանի և Բեսարաբիայի թեմակալ Առաջնորդի միջնորդութեան, «կամիլաւիա» գլխարկ կրելու իրաւունք շնորհուեց: 24 նոյեմբերի, թ. 2108:

ՔԱՂՈՒԱԾՆԵՐ ՍԻՆՕԴԻ ՕՐԱԳՐԵՐԻՆ.

Սինօդը՝ լսելով Աստրախանի Կոնսիստորիայի 1914 թ. գեկտ. 11-ի, № 4184 յայտարարութիւնը — Կրասնոգոգսկի Գարեգին քահանայ Ասրեանի և իւր ծխականների մէջ ծագած գժտութիւնների մասին, որոնց. ի նկատի ունենալով, որ Կրասնոգոգսկի հովիւ Ասրեան քահանայի այնտեղ մնալը դառել է անհնարին, և իրականապէս Ասրեանն այժմ հեռացել է Կրասնոգոգսկից ու ապրում է ուրիշ քաղաքում: ուստի համարել Գարեգին քահանայ Ասրեանին արձակուած Կրասնոգոգսկի ծխական քահանայի պաշտօնից և առաջադրել Աստրախանի Կոնսիստորիային կարգադրել նոր քահանայ ընտրել տալ Կրասնոգոգսկի համայնքի համար: 2 նոյեմբերի, թ. 404:

Սինօդը՝ լսելով Ղարաբաղի Կոնսիստորիայի 1914 թ. հոկտ. 30-ի, № 2995 յայտարարութիւնը — Սեդրաք Տէր Դանիէլեանին քահանայ ձեռնադրելու մասին, որոնց. համաձայն Նորին Սրբութեան մակագրութեան թոյլ տալ Ղարաբաղի Կոնսիստորիային հոգեւոր կոչման մէջ ընդունելու նուշու գաւառի Փիրջամալ գիւղի բնակիչ Սեդրաք Տէր Դանիէլեանցին և ի նկատի ունենալով, որ թեմում եպիսկոպոս չկայ՝ յանձնել Մ. Աթոռի միաբան Տ. Բազրատ

եպիսկոպոսին ձեռնադրել յիշեալ Տէր Դանիէլեանին քահանայ Փիրջամալ գիւղի վրայ: 4 նոյեմբերի, թ. 408:

Սինօղը՝ լսելով նորին Սրբութեան այս տարուայ հոկտեմբերի 26-ի, № 1847, մակագրութիւնը, որոշեց. համաձայն Վեհափառ Կաթողիկոսի մակագրութեան, պատուիրել Մ. Աթոռի Դանձապահին տալ Մ. Աթոռի միաբաններին միանուագ նպատակ մի ամառայ ռոճկի (և ոչ անդադրամ) քանակութեամբ և հրամանագրել թեմական առաջնորդներին տալ բոլոր զբոսի հողերը պաշտօնեաներին և ծառայողներին նպատակ նրանց կէս-կէս ամսական ռոճկի չափով: 4 նոյեմբերի, 415:

Սինօղը՝ լսելով նորին Սրբութեան անցած հոկտեմբերի 28-ի, № 1884 մակագրութիւնը—ի Տէր հանգուցեալ Համադասպ վարդապետի թողած գոյքի մասին, որոշեց. $4\frac{0}{10}$ № 15970 (500 ռուբլիանոց), № 03029 (100 ռուբլիանոց), № 03030 (100 ռուբլիանոց) ռենտաները և խաղարկութեան տոմս I կարգի $5\frac{0}{10}$ սերիա 09467 № 4 (ռուբլիանոց), նաև քնացած կանխիկ դրամ 55 ռուբլի 80 կոպ. պատուիրել մուտք գրել Մ. Աթոռի մատենանում Համադասպ վարդապետի անունով, տոկոսները դործադրելով Մայր Աթոռի պէտքերի համար: 6 նոյեմբերի, թ. 422:

Սինօղը՝ լսելով նորին Սրբութեան անցած հոկտեմբերի 31-ի, № 1930 մակագրութիւնը, որոշեց. համաձայն նորին Վեհափառութեան մակագրութեան պատուիրել Մ. Աթոռի Դանձապահին փոխադրել Ղարաբաղի թեմի ժամկառավարիչ Զաւէն վարդապետի անունով դպրոցական ֆոնդի գումարներից 1600 ռուբլի բաժանելու թեմի ծխական դպրոցներին ըստ այսմ. Սուլթան-Նուխի, Քեանդեակ և Զոռլու-Միրզաբէկլու գիւղերին 200-ական ռուբլի, Սէյիդի-շէն, Խանաբադ, Վերին և Ներքին Սղնէք 100-ական ռուբլի և Խանքենդ աւանի, Ղշյադ, Նորագիւղ, Հարաւ, Քառասնի, Ղաւախան, Հաջի, Սօս, Քերթ, Մովսատեղ, Թաղասեռ և Մոխրինէս գիւղերին 50-ական ռուբլի: 11 նոյեմբերի, թ. 427:

Սինօղը՝ լսելով Տաթևի վանքի և յարակից շինու-
նութիւնների նորոգութեան համար ծախսած 1448 ռուբ.
07 կոպ. դործը, որոշեց. ընդունելի համարելով կատա-
րուած ծախքերը, թոյլ տալ Տաթևի փոխանորդին կալուած-
ների արդիւնքից ելք դրել 1448 ռ. 07 կ. նորոգութիւն-
ների համար արած ծախքը և դործը կարճել 11 նոյեմ-
բերի, թ. 429:

Սինօղը՝ ստանալով Նոր-Նախիջևանի Հայադդի ադ-
քատաց Հոգարարձութեան հոկտեմբերի 12-ի, № 888
դրութեամբ ուղարկած Քառասուլեանի կառնով թողած
կալուածքի արդիւնքից 550 ռուբլին, որ պէտք է վճարուէր
Վարադայ վանքի դպրոցի Ռուսաստան զաղթած ուսու-
ցիչներին, որոշեց. պատուիրել Մ. Աթոռի Գանձապահին
վերոյիշեալ գումարը, 550 ռ., փոխադրել Թիֆլիզ Տ.
Մեսրոպ եպիսկոպոսին, պատուիրելով վերջնիս այդ դրամը
բաժանել Վարադայ վանքի դպրոցների ուսուցիչներին,
Վանի առաջնորդական տեղապահ Տ. Եղնիկ վարդապետի
ներկայութեամբ: 13 նոյեմբերի, թ. 434:

Սինօղը՝ լսելով Անիի վանահայր Միքայէլ վարդա-
պետի անցած նոյեմբերի 4-ի յայտարարութիւնը—իւր
ռոճկի յաւելման մասին, որոշեց. պատուիրել Ղարսի Հո-
գեոր կառավարութեան վճարել, այս տարուայ նոյեմբերի
մէկից սկսած, Անիի վանահայր Միքայէլ վարդապետին
ամսական քսան և հինգ ռուբլու փոխարէն երեսուն
ռուբլի, Անկախ դորանից պատուիրել յիշեալ կառավա-
րութեան, որ ռոճիկը ժամանակին ու կանոնաւոր վճարի,
16 նոյեմբերի, թ. 437:

Սինօղը՝ լսելով Նորին Սրբութեան նոյեմբերի 18-ի, թ.
2062 մակագրութիւնը, որոշեց. համաձայն Նորին Սրբութեան
մակագրութեան պատուիրել Մայր Աթոռի Գանձապահին
զաղթականների գումարից Ս. Էջմիածնի Եղրայրական
Օգնութեան Գլխաւոր Կարգադիր Յանձնաժողովի անունով
50000 ռուբլու վարկ բանալ: 20 նոյեմբերի, թ. 451:

Սինոդը՝ լսելով նորին Սրբութեան նոյեմբերի 12-ի, թ. 200 մակագրութիւնը, որոշեց. համաձայն նորին Վեհափառութեան մակագրութեան պատուիրել Մ. Աթոռի Գանձապահին փոխադրել Թիֆլիզ Դաւիթ Խան Աւան Եղրաշեանի անունով ի նպաստ Վան քաղաքի միլիցիայի նուպար փաշայի փոխադրած 4000 ռուբլին: 23 նոյեմբերի, թ. 455:

Սինոդը՝ լսելով Վրաստանի Հ. Կոնսիստորիայի այս տարուայ մայիսի 12-ի, թ. 2080 յայտարարութիւնը — Շմաւոն Փաշեանին քահանայ ձեռնադրելու մասին, որոշեց. թոյլ տալ Վրաստանի Կոնսիստորիային հոգեւոր կոչման մէջ ընդունել Աղաւրէթ գիւղի բնակիչ Շմաւոն Փաշեանին և առաջադրել թեմի առաջնորդին ձեռնադրել յիշեալ Փաշեանին քահանայ Աղաւրէթ գիւղի վրայ: 27 նոյեմբերի թ. 470:

Սինոդը՝ լսելով նորին Սրբութեան դեկտեմբերի 1-ի, թ. 2158, մակագրութիւնը, որոշեց. համաձայն նորին Վեհափառութեան մակագրութեան, պատուիրել Մայր Աթոռի գանձապահին Ս. Էջմիածնի Եղրայրական Օգնութեան Յանձնաժողովի անունով 50000 ռուբլու վարկ բանալ՝ Բագուից ալիւր և ցորեն գնելու դադթականների համար: 2 դեկտեմբերի, թ. 478:

